ROZA (LE JEÛNE) DANS L'ISLAM

(Premier Partie)



MUNIR AHMAD AZIM

HAZRAT MUHYI-UD-DIN AL-KHALIFATULLAH

JAMAAT UL SAHIH AL ISLAM

PRÉFACE

Sa Livret là – ene premier partie – li ene ti aperçu de Roza (jeûne) en Islam. Li pluto ene guide de bane permis et interdit pendant le Roza, ki li Roza pendant le mois de Ramadhan ki bien bien important et aussi bane Roza *Nafil* (volontaire) ki ene *Momin* (croyant) envie garder pou Allah. Boucou pas conne bane raisons et limites ki bizin observer pendant Roza, et mo espérer ki, pas aujourd'hui, pas demain, mais ki n'importe kan ene croyant li observe le Roza, ki li pendant bane Ramadhan de so la vie, et aussi au cours de bane les autres mois, alors *Inch'Allah*, sa livret là ouvert so lizié et lé cœur couma li pou bizin observe so Roza et dans ki conditions.

La paix lors bane prophètes ; Louanges à Allah, Maître de tous bane les mondes. Amin.

Munir A. Azim Hazrat Muhyi-ud-Din Al-Khalifatullah Jamaat Ul Sahih Al Islam

15 Août 2011 14 Ramadhan 1432 Hijri

Définition de Siyaam (Roza/Carême)

Siyaam ou Sawm, veut dire abstenir de quelque chose, couma nous comprend dans la parole d'Allah. Allah dire ki Hazrat Mariam (Radiallahu Anha) fine dire : « Mo fine faire ene promesse avec (Allah), Le Miséricordieux, mo pas pou cause avec personne aujourd'hui. » (Surah Mariam 19: 26)

Techniquement, c'est ene acte d'adoration ki faire sincèrement pou Allah tousél, kot ene dimoune li abstenir li : de la nourriture, de boire et de bane relation sexuelles prend dépi l'aube ziska soleil coucher.

Bane piliers du Roza (Carême)

1. L'intention:

Faire l'intention (*niyyah*) dans le cœur, li ene premier pilier pou commence sa acte d'adoration là, et sa place kot nous faire sa l'intention là, li seulement dans le cœur. Quand faire le *niyyah* fort, verbalement, sa c'est ene erreur commun.

En effet, ene l'intention ki faire pou n'importe ki acte d'adoration, li pas nécessaire ki dire li fort, mais li arriver ki ou faire li sois en famille, sois dans ene congrégation pou enseigne bane membres bane formules (de paroles) couma pou fer sa l'intention là. Mais si ene dimoune li tousel, alors couma li faire so l'intention quand li pou alle garde ene Roza?

Quand ene dimoune alle dormi quand li conner ki li pou reste Roza le lendemain, ou sois au moment ki li prend so *Suhur*, c'est-à-dire, so repas ki li prend avant l'aube ; sa li assez (comme l'intention), pareil couma dans cas quand ene dimoune pé observe bane Roza ki obligatoire dans mois Ramadhan, ou sois bane Roza ki remplacer pour bane jours rater, ou sois jour kot ene dimoune fine promette pou garde Roza. Bizin affirme l'intention là dans la nuit.

Le Saint Prophète ^(Sallallahu 'alaihi wa sallam) fine dire : « Bane actions li basé d'après *ou l'intention et chaque dimoune pou récompenser d'après so l'intention »*. (Bukhari & Muslim)

Hafsa ^(Radiallahu Anha) fine rapporter ki le Saint Prophète ^(Sallallahu 'alaihi wa sallam) fine dire : « *Ene ki pas fine affirme so l'intention pou garde Roza avant Fajr, so Roza pas pou compté »*. (Nasa'ee, Tirmidhi, Abu Dawood)

Pou bane Roza surérogatoire (nafil), péna aucaine mal si ene dimoune faire l'intention pendant le jour, même après soleil lever, tanque ki li pas fine faire kitchose ki capave annule so Roza.

Aïsha ^(Radiallahu Anha) dire ki le Saint Prophète ^(Sallallahu 'alaihi wa sallam) fine demande li (ene gramatin): « *Eski ena kitchose pou manger?* » Et quand li fine réponde par ene non, le

Saint Prophète (saws) fine dire : « Dans sa cas là mo pé garde Roza aujourd'hui. » (Muslim)

2. Pou observe Roza à ene moment approprié :

Li obligatoire lors ene croyant pou garde Roza prend dépi Fajr (l'aube) ziska Maghrib (coucher du soleil). Allah (Subhaana Wa Ta'ala) dire : « Manger et boire ziska moment ki ou capave distingue le fil blanc de l'aube (fajr) avec so fil noir. Ensuite complète ou carême ziska soleil couché. » (Al-Baqara 2: 187)

'Adi Ibn Haatim ^(Radiallahu Anhu), ene fois fine dire: « Quand verset 'Manger et boire ziska capave distingue le fil blanc de l'aube are so du fil noir...' ti révéler, mo fine prend ene du fil noir et ene du fil blanc et mo ti mette sa en bas mo loryé; pendant la nuit mo ti pé guette zot pou guetter si mo capave distinguer entre zot. Gramatin, mo alle zouaine le Saint Prophète ^(Sallallahu 'alaihi wa sallam) et mo raconte sa are li et li fine dire: « *C'est noirté de la nuite et le blanc de l'aube* (*ki sa verset là ti pé rode dire*). » (Bukhari & Muslim)

3. Pou abstenir de bane actions ki annule Roza:

Bane actions ki annule le Roza tombe dans deux catégories. Séki dans 1^{er} catégorie ene zis pou remplace le Roza ki fine manqué, mais séki dans 2^{ème} catégorie, bizin remplace le Roza pou bane jour ki fine manqué mais aussi ena expiation.

Actions dans 1^{er} catégorie: inclure prend délibérément manger et boire, prend de l'eau délibérément quand gargariser, si ou faire ou même vomi et bane décharges sexuelles ki le corps produire kan ressenti ene plaisir sexuelle.

Actions dans 2^{ème} catégorie: c'est kan ena relation sexuelle pendant bane jours Ramadhan, et alors dimoune là pas zis bizin remplace Roza là mais aussi ena ene expiation. Sa capave faire si ou libère ene esclave. Si ene dimoune pas capave faire sa, alors li bizin garde Roza pendant 60 jours consécutifs. Si sa aussi pas possible, bizin nourri 60 dimounes pauvre à partir même mesure manger ki ou habituer donne ou propre famille.

Bane conditions Roza

En générale, Roza li obligatoire lors tous dimoune musulman ki mentalement bien, ki li ene madame ou missié.

- 1. Faudé pas li voyager, c'est-à-dire, sa dimoune là li ene résident du pays (li reste dans so la caze).
- 2. So la santé bizin bon.
- 3. Dans cas dimounes ki Roza capave affecter zot la santé, ena bane madames kot zot pas bizin garde Roza dans zot bane règles ou saignement prénatal ou même bane mamans ki pé allaite zot zenfants.

Bane dimounes ki pas capave garde Roza

- 1. Ene Kafir (non-musulman), à cause l'Islam li la première condition pou n'importe ki bon action pou être accepter par Allah. Allah (Subhaana Wa Ta'ala) dire : « La vrai religion dans lizié Allah, c'est l'Islam. » (Al Imran 3: 19). Li aussi dire : « Si kikaine désire ene l'autre religion ki l'Islam, jamais Allah pou accepter sa de li, et li pou parmi bane perdants dans la vie future ». (Al-Imran 3: 85)
- 2. Ene dimoune ki fou, à cause li pas pou être responsable de so bane actions. Le Messager d'Allah ^(Sallallahu 'alaihi wa sallam) fine dire : « Ena 3 kalité dimounes ki zot parole et action pas enregistré, ene dimoune ki pé dormi ziska so sommeil cassé, ene zenfant ki pas encore arrive à l'âge de puberté, et ene dimoune fou ziska ki li régagne so bane sense. »
- 3. Bane zenfants capave pas garde Roza dans le mois de Ramadhan. Ene zenfant li pou considéré couma ene adulte quand sa fille ou garçon là ena 15 ans, ou quand expérience ene rêve ki faire gagne sensation sexuelle, bane décharge (pou bane garçons), ou pou la fille ou garçon kan zot ena bane poil épais ki pousser kot parti privé. Pou ene ti fille, li considéré comme ene adulte quand li commence gagne so règle.

Quand ene zenfant arrive l'âge de puberté, garçon ou fille bizin garde Roza même si li pas encore gagne 15 ans. Li recommandable ki ene parent entraine so enfants pou garde Roza, quand zot encore petit même, à cause sa pou aide zot pou habituer avec sa, et pou psychologiquement prépare zot pou sa. Sa ti aussi la pratique de nous bane prédécesseurs ki ti pieux.

4. Ene dimoune ki pas capave, eg : couma ene malade et ene dimoune ki ena malade chronique.

Ena 3 kalités malades :

- (a) Bane maux mineur, exemple : maux de tête, ene dimoune ki gagne sa, li obliger reste Roza et li pas capave casse so Roza à cause sa tipti mal (de tête) là.
- (b) Maladie ki faire boucou du tort pou ene dimoune ki garde Roza. Li illicite (haram) pou sa kalite dimoune là pou garde roza. Allah (Subhaana Wa Ta'ala) dire : « Et pas touye zot-même. » (An-Nisaa 4: 29)
- (c) Maladie ki faire ene dimoune difficile pou garde Roza malgré ki sa faire li aucaine du tort. Li pou mieux si sa kalité dimoune là abstenir li pou garde Roza.

Aussi, le malade ki so convalescence li attendu, si zot envie, si zot choisir pou pas garder, zot pou bizin remplace sa bane jour ki zot fine manquer là après Ramadhan. Allah dire : « Mais bane ki malade ou en voyage bizin garde Roza même quantité de jour après ». (Al-Baqara 2: 185)

Pou le malade ki so convalescence pas attendu, li bizin nourri ene dimoune pauvre pou quantité jour ki li fine pas fine garde Roza. Dimoune ki trop vieux ou faible pou garde ©2011 Jamaat Ul Sahih Al Islam

Roza et bane ki ena malade chronique et ki zot convalescence li pas aussitôt, bizin offert jour ki li fine manque garde Roza. A cause pas astaire là ki zot pou regagne zot la santé et alors pas pou capave garde Roza pendant bane les autres jours; au lieu de sa, zot paye ene fidyah (amende) pou chaque jour ki zot fine rater. Allah (Subhaana Wa Ta'ala) dire: « Et pou bane ki capave garde Roza (mais seulement avec boucou zeffort), ene l'amende (couma ene substitue) li nourri ene dimoune pauvre (chaque jour). » (Al-Baqara 2: 184)

Quand Abdullah Ibn Abbas ti commente lors sa verset là, li fine dire : « (Sa verset là) pas fine cancelle ; li concerne bane vieux hommes et femmes ki capave garde Roza mais avec difficulté, et en retour zot choisir pou nourri ene dimoune pauvre pou chaque jour ki zot pas fine garde Roza ».

Abu Ya'laa raconter dans so Musnad ki Ayoob Ibn Abi Tameemah fine dire : « Quand Anas astaire pas pé capave garde Roza, li ti pou prépare ene plat de thareed (ene menu ki consiste de pain, viande et la soupe) et invite 30 dimounes pauvres et nourri zot ».

5. Le voyageur.

Allah dire : « Mais bane ki malade ou en voyage bizin garde Roza même quantité jour après. » (Al-Baqara 2: 185)

Ene voyageur ki entreprendre ene voyage ene distance, li permette pou li raccourci so Namaz, casse so Roza et remplace séki li fine manquer après, ou li capave garde Roza si li envie à condition si li ene voyage bien courte et pas fatiguant.

Mais malheureusement bien souvent nous trouver ki ena beaucoup Musulmans ki voyager dans mois Ramadhan surtout, pou évite garde Roza. Zot bizin ena la crainte d'Allah, pas voyager et observe zot Roza couma bizin et répenti avec Allah pour sa forme de déshonnêteté.

Jabir (ra) rapporter : « nous ti alle avec le st prophète ^(Sallallahu 'alaihi wa sallam) a Makka dns l'annee de la conquete (de Mecca). Line garde roza et nous ti garde roza avec li. Quand nous arrive Al Ghameem, le prophete ^(Sallallahu 'alaihi wa sallam) fine tender ki li difficile pou dimoune pou reste roza, et ki zot pe attane ki li pou decider. Apres namaz Asr, le st prophète ^(Sallallahu 'alaihi wa sallam) fiine demande ene verre de l'eau et line boire li quand zot tous ti pe guette li » 9Muslim).

Jabir rapporter : « Ene fois, kan le Messager d'Allah (Sallallahu 'alaihi wa sallam) ti en voyage, li fine trouve ene la foule dimoune ki ti rassembler autour ene missié dans le but pou donne li l'ombrage. Li fine demandé : « Ki pé arriver ? » Bane là fine dire li ki sa missié là ti pé garde Roza. Li fine dire : « C'est pas acte de droiture pou reste Roza pendant ene voyage. » (Bukhari & Muslim)

Abu Darda (Radiallahu Anhu) ene fois fine dire: « Nous ti alle avec le Messager d'Allah (Sallallahu 'alaihi wa sallam), dans ene de so bane voyages ena ene jour ki ti extra chaud, tellement ki ene dimoune ti pou mette so la main lors so la tête (pou protège li-même)

©2011 Jamaat Ul Sahih Al Islam

contre sa chaleur excessive là. Personne pas ti Roza parmi nous, excepter le prophète (Sallallahu 'alaihi wa sallam) et Abdullah Ibn Rawabah. »

Sa anecdote là montrer nous ki à moins ki nous physiquement fort pou capave supporte bane dureté et fatigue d'ene voyage, alors nous bizin abstenir nous. Mais si nous trouver ki nous capave dans ene certaine limite, alors nous garde li.

Anas Ibn Malik fine dire: « Mo ti pé voyage avec le Messager d'Allah (Sallallahu 'alaihi wa sallam) dans Ramadhan. Bane (parmi nous) ki ti Roza pas ti blâme bane ki pas ti Roza, ni bane ki pas ti Roza ti blâme bane ki ti Roza. » (Bukhari & Muslim).

Bane ki garde Roza, li meilleur pou sa bane kalité dimounes là pou garde Roza à cause zot pou senti zot plisse encourager pou jeûner kan les autres Musulmans pé garde Roza, surtout primordialement dans le mois de Ramadhan. En effet, sa ti ene pratique du prophète (Sallallahu 'alaihi wa sallam).

Voyage classé en 3 catégories :

- (a) Voyage ki ena boucou difficulté, et alors sa faire le Roza insupportable. Dans sa cas là, li illicite pou ene dimoune li garde Roza. Jabir ^(Radiallahu Anhu) raconté ki le Messager d'Allah ^(Sallallahu 'alaihi wa sallam) fine dire à bane ki fine observe le Roza kan le prophète ^(Sallallahu 'alaihi wa sallam) fine casse pou li à cause difficulté ki dimoune ti pé passer : « *Zot vraiment bane pécheurs*. » (Muslim)
- (b) Voyage ki ena ene tiguitte difficulté; dans sa cas là, li pou préférable pou ki sa dimoune là casse so Roza.
- (c) Si garde Roza ou soi pas garde Roza même zaffaire pou ene dimoune, c'est li ki décider si li pou garde Roza ou non. Si li pas garde Roza, li bizin remplace séki li fine raté.
- 6. Bane mamans ki pé attane ene bébé et bane madames ki pé allaité, zot capave aussi casse zot Roza, si le Roza li vine ene danger pou zot propre la santé ou pou sa zenfant là. Ultérieurement, zot bizin remplace sa bane jour Roza ki zot fine raté là.

Le Saint Prophète ^(Sallallahu 'alaihi wa sallam) fine dire : « Allah pas rende obligatoire Roza pou le voyageur, et fine donne li la permission pou raccourci le Namaz, et aussi Allah dire sa avec bane madames ki pé attane ene zenfant et séki pé allaité. » (Ahmad)

7. Madames ki dans zot règles et aussi dans zot période après accouchement (nifaas). Bane savants accepter à l'unanimité ki madames pendant zot règle ou après l'accouchement pas bizin garde Roza; zot bizin remplace bane jours ki zot manquer après le Ramadhan.

En conclusion, la règle concernant le Roza pou ene voyageur, c'est ki li faire séki pli facile pou li. Allah dire : « *Allah oulé facilite pou ou, Li pas oulé difficulté pou ou.* » (Al-Baqara 2: 185)

Bane bénéfices ki gagner pendant Ramadhan

Allah (Subhaana Wa Ta'ala) dire : « O bane ki croire, Roza fine prescrire pou zot pareil couma bane ki ti vini avant zot. Pou ki zot capave atteindre la piété. » (Al-Baqara 2: 183)

Allah fine favorise Ramadhan lors bane les autres mois à cause so bane mérites et vertus. Sa inclure:

- Le parfum d'ene la bouche d'ene *Rozedaar*, li pli agréable à Allah ki le parfum musc.
- ♣ Sa *Rozedaar* là ena 2 moments de joie ; ene quand li casse so Roza et ene kan li zouaine so Seigneur et li content pou sa Roza là. (Muslim)
- ♣ Bane anges continuer demande pardon Allah pou bane ki garde Roza, ziska ki zot casse zot Roza.
- ♣ Allah embelli So paradis chaque jour et adresse li : « Mo bane serviteurs ki dans le droit chemin zot près pou sapé are bane du mal et la peine, après sa zot pou envoyé à toi ».
- ♣ Dans paradis, ena ene la porte ki appelle Ar-Rayyan, par quoi personne pas pou rentrer excepter zot (c'est-à-dire, bane ki garde Roza). « Kan zot pou fini rentrer, li pou fermer, et personne pas pou passe par là. » (Bukhari)
- ♣ Bane la portes paradis ouvert, bane la portes l'enfer fermer, et bane Shaytans enchainer.
- ♣ Allah fine choisir Roza (ki so récompense) pou Li-même, et Li pou récompense li (Rozedaar là) et multiplier récompense là sans aucaine mesure, couma Allah dire (dans Hadith Qudsi): « Excepter bane Roza ki seulement pou Moi, et Mo pou donne récompense pou sa. » (Bukhari)
- Le jeune pou intercede pou sa dimoune la le jour du jugement et pou dire : « O seignuer, mo empeche li pou manger et ena bon plaisir physique pendant la journee, alors laisse moi imtercede pou li ».
- La Nuit du Décret (*Laila-tul-Qadr*) li pendant sa mois là, et sa dimoune ki faire beaucoup la prières pendant sa la nuit là avec la foi et avec ene l'espoir pou gagne récompense de côté d'Allah, pou gagne Allah même comme récompense, li pou pardonner pou tous so bane péché ki li fine faire dans le passé.
- ♣ Bane ki garde Roza recevoir le pardon pou zot péchés dans dernier la nuit de Ramadhan.
- ♣ Allah sappe ene nombre de dimounes de l'enfer pendant chaque nuit de Ramadhan.

Couma bizin recevoir sa mois là, ki ena tous so mérite et valeur? Eski c'est par occupe nous-même par bane kitchose inutile? Eski par passe la journee dormi et so la nuit dans bane causer inutile et bane travail inutile? Eski nous bizin paniquer et prend sa couma ene fardeau lors nous z'épaule kan li arriver?

Bane dimoune pieux accueille sa avec repentance et avec ene détermination pou tire so bénéfice et mette so bane moment précieux à bon service. Bane vrai croyants cherche Allah So miséricorde pendant sa mois là et passe zot létemps faire bane travail bénéfique. Sa bane travaille là inclure :

1. Offert le Salaatul-Tarawee et passe la nuit dans Namaz (Qiyaam-ul-Layl).

Le Messager d'Allah ^(Sallallahu 'alaihi wa sallam) fine dire : « Kikaine ki deboute en prière pendant Ramadhan avec la foi et sincérité et avec l'espoir de récompense d'Allah, pou gagne so bane péché passé pardonner. » (Bukhari & Muslim)

Lever en plein milieu de la nuit ti ene pratique régulière du prophète (Sallallahu 'alaihi wa sallam) et de so bane compagnons. Aïsha (Radiallahu Anha) fine dire : « Pas abandonne Qiyaam-ul-Layl, à cause le Messager d'Allah (Sallallahu 'alaihi wa sallam), pas ti quitte sa. Si arriver li pas ti bien ou li ti senti li fatiguer, li ti pou assizé prier. »

Kan complète le Tarawee avec l'Imam compte couma diboute ene la nuit entier dans Namaz. Le prophète ^(Sallallahu 'alaihi wa sallam) fine dire : « Celui ki continuer (en prière) avec l'Imam ziska li complète Salaatul-Qiyaam, Allah pou enregistrer pou li récompense pareil kan lire Namaz ene nuit entier ».

2. Donne la charité (Sadaqa).

Ibn Abbas ^(Radiallahu Anhu) fine dire: « le Messager d'Allah ^(Sallallahu 'alaihi wa sallam) ti pli généreux parmi bane dimounes, et li ti habituer pli généreux pendant le mois de Ramadhan kan Jibreel ^(Alaihis Salaam) visite li et Jibreel ti ena l'habitude vine zouaine li chaque la nuit de Ramadhan ziska la fin de sa mois là. Le Saint Prophète ^(Sallallahu 'alaihi wa sallam) ti habituer récite le Quran à Jibreel (sous so supervision), et kan Jibreel rencontre li, li ti pou pli généreux et li ti presser pou faire bane actes charitable. » (Bukhari) Le Saint Prophète ^(Sallallahu 'alaihi wa sallam) fine aussi dire: « Meilleur charité c'est la charité ki ou faire pendant Ramadhan. » (Tirmidhi)

3. Récitation du Quran.

Ramadhan c'est premier mois kot la première révélation du Quran ti arriver. Bane musulmans, alors bizin récite le Quran plisse ki ou habituer lire. Ene nombre de compagnons ti habituer termine la récitation du Quran pendant 3,7 ou 10 nuits. Malgré sa, bane prédécesseurs pieux de l'Ummah pas ti récite le Quran pareil couma la poésie sans ki zot ti pé réfléchi et comprend so signification. Bayhaqi rapporter ki Abu Huraira (Radiallahu Anhu) fine dire : « Quand verset Quran 'Quoi- sa récitation là étonne ou ? Et ou riyé et ou pas pleurer ?' (53: 59-60) ti révélé, bane compagnons ki ti reste dans Suffah (la cour du Masjid du prophète) ti plorer ziska larmes couler lors zot la joue. Quand le prophète (Sallallahu 'alaihi wa sallam) fine tende zot plorer, li fine plorer avec zot et so plorer fine faire nous plorer. » Le Messager d'Allah (Sallallahu 'alaihi wa sallam) fine dire : « Kikaine ki plorer par la crainte d'Allah pas pou rentre dans l'enfer. »

4. Assizer dans Masjid ziska soleil lever.

Kan le prophète ^(Sallallahu 'alaihi wa sallam), ti pé faire Namaz Fajr, li ti habituer reste assizer dans so place, pense lors Allah et glorifier Li, ziska soleil lever. Anas ^(Radiallahu Anhu) rapporter ki le Messager d'Allah ^(Sallallahu 'alaihi wa sallam) fine dire : « *Kikaine ki offert Namaz* ©2011 Jamaat Ul Sahih Al Islam

Fajr en congrégation et ensuite reste assizé pense Allah ziska soleil lever, après faire 2 Rakaat, li pou gagne récompense pareil couma line faire ene acte complète de Hajj et Umrah. » Line répète sa 3 fois, sa c'est récompense ki Allah fine promette à bane croyants pendant bane jours ordinaire. Eski ou capave imaginer couma grand so récompense été pendant le Ramadhan?

5. Faire L'Ittikaaf

Aïsha ^(Radiallahu Anha) rapporter ki le prophète ^(Sallallahu 'alaihi wa sallam) habituer reste itikaaf dans 10 dernier jour de Ramadhan, ziska so la mort, apres sa so bane madames ti faire sa apres li. (Bukhari).

L'Ittikaaf (kot ou retiré (en privé) ou dans Masjid pendant 10 derniers jours dans Ramadhan, avec ene l'intention pou rapproche plisse avec Allah). C'est ene acte d'adoration ki consiste pou faire ene nombre d'action d'après l'ordre d'Allah, exemple couma récite le Quran, lire boucou Namaz, faire zikr et faire supplication à Allah. L'Ittikaaf mette plisse l'emphase lors 10 derniers jour de Ramadhan à cause le Laila-tul-Qadr, li recommandable mais pas ene acte obligatoire d'adoration.

6. Faire le Umra pendant le Ramadhan.

Le prophète ^(Sallallahu 'alaihi wa sallam) fine dire « *Quand faire Umra dans Ramadhan li pareil couma récompense ene Hajj.* » (Bukhari & Muslim)

7. Recherche Laila-tul-Qadr.

Allah dire: « Vraiment Nous fine faire le (Quran) déssane la Nuit du Destin. Ki montrer toi ki li été sa, la Nuit du destin là? La Nuit du Destin meilleur ki mille mois. » (Al-Qadr 97: 1-3) le prophète (Sallallahu 'alaihi wa sallam), fine aussi dire dans sa l'optique là: « Kikaine ki faire Namaz pendant Laila-tul-Qadr avec ene ferme croyance et l'espoir de récompense dépi Allah, pou trouve tout so bane péchés pardonner. » (Bukhari & Muslim)

Le Saint Prophète ^(Sallallahu 'alaihi wa sallam) ti habituer cherche le Laila-tul-Qadr et li demande so bane compagnons pou faire pareil. Li ti habituer lève so bane membres la famille pendant sa 10 derniers la nuit de Ramadhan là pou ki zot passe sa bane la nuit béni là dans *Ibaadat* (l'adoration d'Allah). Laila-tul-Qadr arriver pendant ene la nuit impair de sa 10 derniers jours là.

8. Pense Allah, faire supplication à Li et cherche So pardon.

Vraiment bane journées et la nuit de Ramadhan zot ene le temps exceptionnel kot bane fidèles gagne ene opportunité en or pou zot rappelle Allah et supplier Li plisse, spécialement pendant bane l'heure spécifique kot sa invocation là pou ena plisse probabilité pou exaucé. *Sa bane moments là inclure* :

(a) Quand casse Roza, à cause ene Rozedaar, so bane supplication pas rejeter à sa moment là.

- (b) Pendant dernier tiers de la nuit, quand Allah déssane dépi lé ciel et dire : « Ki sanlà pé appelle moi, pou ki Mo capave réponde li ? Ki sanlà pé faire ene demande avec Moi pou ki Mo capave accorde li ? Ki sanlà pé demande pardon are Moi pou ki Mo capave pardonne li ? » (Bukhari)
- (c) Zis avant l'aube.

Pendant ene l'heure temps dans vendredi. Sa le temps là, li pli probable ki li vers la fin de la journée (entre Asr et Maghrib).

Li bon pou mentionner ici, ki pou faire ou bane actions accepter, ou bizin fine faire sa bane actions là sincèrement pou Allah seulement et en accord avec l'enseignement du prophète. C'est pou sa raison là ki nous bane prédécesseurs pieux ti faire bane bons actions en secret par peur ki zot faire sa pou lizié dimoune (*riya*).

Bane erreurs pendant garde Roza

1. Quand pas renifler de l'eau dans narine pendant Wuzu.

Ena dimoune ki pas reniflé de l'eau dans so narines bien kan li pé faire Wuzu, li bien grave kot zis le bout du nez ki laver. Sa pas pratique du Saint Prophète (Sallallahu 'alaihi wa sallam), ki ti dire : « Kikaine ki faire le Wuzu bizin renifler de l'eau dans narine et après tire li. » Sa Hadith là ti rapporté par Imaam Bukhari ki ti ajouté :

Le Saint Prophète ^(Sallallahu 'alaihi wa sallam), pas ti différencier entre ene Rozedaar ou ene dimoune ki pas Roza dans l'aspect là. Ene rozedaar, li recommander pou pas exagérer quand li pé faire sa. Exagération pas permet kan Roza, dans cas si impé de l'eau fine alle dans la gorge, alors sa annule Roza là.

2. Quand pas arrête manger et boire, kan le *Muezzin* donne Azaan pou Namaz Fajr.

Ena dimoune ki continuer manger ou boire même après ki le Muezzin fine commence l'appel à la prière de Fajr. Si questionne zot, zot dire ki li permette ziska ki le Muezzin dire 'Hayya alal Falaah' (vine vers le succès), ki le moment ki zot Roza commencer.

Sa l'opinion là ti pou correcte si ti ena bane preuve solide dans Quran et Sunnah authentique. Malgré ki péna preuve dans aucaine source, bane dimounes continuer adopter sa pratique là. Sa pratique mal-interpréter là, li rejeter par le Hadith kot le Saint Prophète (Sallallahu 'alaihi wa sallam) fine dire : « Celui ki mette innovation dans sa sujet là (Islam), sa parti ki mo pas fine faire là, sa pou rejeter. » (Bukhari)

Ene lotte version de bane musulmans dire : « Celui ki faire ene action ki pas en accord avec la religion, pou trouve sa rejeter. » En plisse de sa, Quran et Sunnah dire clairement ki *Imsaaq* (le moment ki arrête manger, boire et ena relation sexuel) commencer par le fil blanc de l'aube capave distingué avec le fil noir de la nuit. A sa moment particulier là,

bizin arrête manger et boire. Allah fine dire : « Et manger et boire ziska le fil blanc de l'aube capave distinguer avec le fil noir de la nuit. » (Al-Baqara 2: 187)

3. Quand prend le repas *Suhur* (Sehri) trop bonne heure.

Quand prend le *Suhur* (repas avant l'aube) trop bonne heure li ene lotte erreur commun. Ene musulman bizin suive le pas du prophète ^(Sallallahu 'alaihi wa sallam), kan retarde le *Suhur*.

Anas ^(Radiallahu Anhu), rapporté par Zaid Ibn Thaabit ^(Radiallahu Anhu) ki ti dire : « 'Nous ti prend le Suhur avec le Messager d'Allah ^(Sallallahu 'alaihi wa sallam), et après nous faire la prière.' Mo fine demande li, 'Ki l'intervalle ena entre l'heure Suhur et Azaan ?' Li fine réponde, 'L'intervalle ki pou suffi pou récite 50 versets du Quran.' » (Bukhari & Muslim)

4. Kan retarde l'appelle du Namaz Maghrib.

Ene lotte erreur commun, ki bane Muezzins faire l'appelle pou Namaz Maghrib kan fine faire noir nette. Sa pratique là li alle à l'encontre de l'enseignement Islamique, ki dire ki l'appelle à la prière bizin faire immédiatement après ki soleil fine coucher.

Allah dire : « Après complète zot Roza ziska la nuit apparaître (c'est-à-dire, coucher du soleil). » (Al-Baqara 2: 187) Le Messager d'Allah (Sallallahu 'alaihi wa sallam) fine dire : « Quand la nuit tomber dans sa coté là, et ki le jour li disparaître de sa coté là et ki li le soleil coucher, après le Rozedaar bizin casse so Roza. » (Bukhari & Muslim)

5. Quand retarde Iftaar.

Deux points bizin mentionné concernant sa sujet là. Premièrement, quand retarde *Iftaar* capave retarde Namaz Maghrib, ou rate li ki sa pli sérieux. Alors, ene musulman bizin casse so Roza dans l'heure pou capave faire Namaz en congrégation.

Deuxième point, retarde *Iftaar* li contre le Sunnah du Saint Prophète (Sallallahu 'alaihi wa sallam) Sahl Ibn Saad rapporter ki le Saint Prophète (Sallallahu 'alaihi wa sallam) fine dire : « *Dimoune ki pou continuer prospérer, c'est celui ki presser pou casse so Roza.* » (Bukhari & Muslim)

Li fine aussi rapporter : « Mo bane suivants pou maintenir lors mo Sunnah tanque ki zot pas attane bane z'étoile lever pou casse zot Roza. » (Ibn Hibaan)

Abu Huraira, fine aussi rapporter ki le Saint Prophète ^(Sallallahu 'alaihi wa sallam) fine dire : « Nous religion pou continuer régner suprêmement tanque ki dimoune pou presser pou casse zot Roza ; bane Juifs et bane Chrétiens tarder pou casse pou zot. » (Abu Dawood, Ibn Hibaan)

6. Quand expérience culpabilité kan fine réveille dans l'état de Janabah.

Ena dimoune ki senti zot coupable kan zot réveille zot dans l'état de Janabah (salissement à cause relation sexuel avec ene épouse ou en résultat d'ene rêve). Zot pas bizin senti zot coupable ditout. Zot bizin prend ene bain (ghusl) et garde Roza.

Aïsha ^(Radiallahu Anha) rapporter ki au temps du prophète ^(Sallallahu 'alaihi wa sallam), kan li ti pé lever à l'aube dans l'état de Janabah après ki li fine gagne relation avec so bane madames, li ti habituer prend ene bain et garde Roza. (Bukhari)

Parfois arrivé ki ene Rozedaar alle ressenti ene plaisir sexuelle involontaire (que ce soit pendant la journée de bane jours de Ramadhan kot sa fer li éjaculer ou sois li fer ene rêve kot sa fine fer li éjaculé. Dans sa bane cas là, le fait ki li pas fine fer sa par exprès, alors so Roza pas annuler, mais li bizin prend so grand bain (ghusl) pou ki li capave fer so bane Namaz.

7. Quand embrasse ou madame.

Malgré le fait ki embrasse so madame li permette pou ene croyant pendant le mois de Ramadhan ou dans bane les autres jours ki li pé garde Roza, mais seulement li pas conseillable pou fer li, parski si arrivé croyant là ressenti plaisir et ejaculé, alors so Roza péna aucaine valeur pendant le reste de la journée. La raison li simple ; c'est parski croyant là ki fine commence sa acte préliminaire de l'éjaculation là et alors sa acte volontaire là annule so Roza. Mais si li pas éjaculé kan li embrasse so madame, alors péna problème si li embrasse so madame/s.

L'Envoyé d'Allah ^(Sallallahu 'alaihi wa sallam) ti habituer embrasse so bane madames pendant l'état de Roza, et kan so bane compagnons ti interroge li à ce sujet, alors li fine fer zot bien comprend ki li (le prophète) ena plisse contrôle lors so désirs sexuelles ki bane les autres croyants.

8. Kan senti culpabilité kan pé goute ene manger.

Ena madame ki hésiter pou goutte ene manger par peur sa action là pou casse zot Roza péna nannié là-dans, tanque ki nannié pas avaler. Ibn Abbas ^(Radiallahu Anhu) fine dire : « Péna aucaine mal pou goutte ene manger dépi ou récipient ou bane les zot repas. » (Bukhari)

Bane vertus nourri ene Rozedaar

Le Saint Prophète ^(Sallallahu 'alaihi wa sallam) fine dire : « Kikaine ki donne manger à ene Rozedaar pou li casse so Roza pou gagne récompense pareil couma sa Rozedaar là, sans ki sa diminié nannié de récompense de sa Rozedaar là. » (Tirmidhi)

Alors, si nous envie gagne bénédictions autant ki ene Rozédaar, c'est le devoir d'ene croyant pou li nourri ene Rozedaar, parski sa Rozedaar là so acte de Roza pou Allah, et croyant là (ki pas Roza ou sois ki Roza aussi) so action aussi bizin fer dans le but pou gagne Allah même comme récompense.

Ki Allah aide tous bane croyants ki assoiffé d'Allah pou bien mette en pratique sa bane limites là et pou reste bien loin avec bane interdits afin ki Allah satisfait avec zot et accepter avec joie zot bane Roza obligatoire et volontaire. *Inch'Allah. Amin.*